

*Ripoti o le Vaiaso:***Tolusefulufa tausaga o le tautua a le tamaitai o Aliitasi Lemalu mo Tanetini**

O le 34 ai nei tausaga talu ona galue Aliitasi Lemalu i totonu o le a'oga Matata Eseeese a le aai o Tanetini.

E atoa ai foi lona 80 tausaga o le soifua, e avea ai ma se tasi o auauna faigaluega aupito matua i le tala o lea a'oga poo le loaloa foi o le atunuu.

E ui ina louloua le tau ma le malosi o timuga i le afiafi o le Aso Tofi, 13 Aperila, na le avea ma mafuaaga e taofia ai le tilitili mamao atu o nisi o uo mamae a le tina e molimauina lana faamavaega.

O Aliitasi (Tasi) Lemalu o le ulua'i Pasefika na galue i lea faiva o le fesaga'i ma faiganuu Pasefika i totonu o Tanetini.

O ia e faatau i ai le faauluga o fanau a'oga, faapea soo se mataupu taua'oga e fitoi tonu i fanau ma aiga Pasefika.

Sa auai ni sui mai le Ofisa o A'oga, Sui mai isi matata eseese a le atunuu, o nisi e malaga mai Aukilani, Ueligitone ma Karaisetete.

Tele molimau mai i ana paaga faigaluega, ta'ita'i o le a'oga aemaise tama ma teine a'oga sa fesoasoani i ai Aliitasi ia latou malaga taua'oga a o mafuta ai i na taimi a o a'oga.

E tafatasi molimau o lena afiafi. O ia o se tina tausaaafia i le faatinoga o lona faiva. O se tina e finau i mea e lelei ai le tulaga o a'oga a fanau Pasefika.

O se tasi o uiga mata'ina sa ta'ua e nisi o lona fai tutusa o fanau uma, Samoa pe Toga pe Lalotoga. O se tasi alii Lalotoga



Aiga o Lemalu ma Aliitasi, Jonathan ma le faletua ma le nofoaalo, faatasi ma uo sa auai i le faamavaega

sa tilitili mai Aukilani sa molimau i le agalelei o le tina. I lana ta'ita'iga ma le faalaei'au na mafai ai e ia ona ausia ni miti na te le'i mafauina. I le taimi nei o loo galue o se faauluuluga i mea tau tekonolosi a se tasi lunivesite i Aukilani.

E taunuu mai le aiga o Aliitasi a o talavou lava, o se tasi o aiga aupito leva i totonu o Tanetini, sa talimana'o mo le tele o aiga fou faato'a faato'ai atu i le taulaga.

Na saunoa le tamā e tali fuaitau i fetalaiiga ma saunoaga o le afiafi. Na

saunoa foi le tina e faafetaia le lagolago a lona alii, le afioga ia Lemalu, ma ona alo i nei tausaga e tele o lona faiva.

O se tasi o alo faasino ia Lemalu ma Aliitasi o le alii pese lauiloa o Jonathan Lemalu; lausilafia e Niu Sila ma le lalolagi i pesega faaopera. Sa auai i lea afiafi ma ia tualugaina le po i se pese matagofie.

O moomooga o uo ma aiga ma i latou uma i lena afiafi, ia maua e le tina se malologa fiafia ma faamalieina. Ua fetau lava lea mo se auaunga umi ma le ta'uleleia. *Saili Aukuso*

faauuga Aperila 2017 a le Pacific Studies (UC) i Karaiesetete

ma le manuia taumafai, ua sauni atu mo faiva ma tiute:

Kolin Sofene Hamish Stewart (BA)
Lavinia Miranta Vaka'uta (BA)
Courtney Jayne Pero (B Com)
Falanika Lui (B Com)
Komal Ashna Chand (B Com)
Lavinia Miranta Vaka'uta (LLB)
Karlee Jahna Giles (B. Teaching)
Kurt Kenneth Malietoa (B. Forestry Science 1st class Honours)
Nicholas William Mahoney (B. Engineering with 1st class honours)
Darshana Darshika (B.Sc)
Darshana Darshika (Post Grad Dip Sc)
Piliniuote Fifita (Grad Dip in ECE)
Joana Taufou Togiaso (MA Ed. Distnc)
Levi Natuka Grady (M. Eng. Mgmt)
Shereen Sanjana Naicker (MBA)
Whitney Kalo Veatupu (MA Teaching with Distinction)
Yvonne Isobel Crichton -Hill (PHD)



Na maua se mafutaga fiafia i lea afiafi a o tali le sua i le ma'au saunia e le fa'atonu o le A'oga Pasefika, le alii polofesa ia Steven Ratuva ma le aufaigaluega.

E maua ni ata faaopopo o le afiafi i luga o le tatou upega. Malo fai o le faiva. Ua le 'ole lea.

Saili Aukuso